



UNIVERSITÄTS-
BIBLIOTHEK
PADERBORN

Universitätsbibliothek Paderborn

Biennii Peripatetici

Complectens Quæstiones Logicales Una Cum Institutionibus Dialecticis Ad
Antiquorum Recentiorumque Mentem Resolutas, Nec Non Juxta Modernam
Scholarum Peripateticarum Methodum Elaboratas & Explicatas

Kretz, Marquard

Heripoli, 1749

§. 3. An, & quæ rectitudo sit objectum formale quod?

[urn:nbn:de:hbz:466:1-52248](#)

§. III.

*An & quæ Rectitudo sit Objectum formale
quod Logicæ?*

75. *Nota.* Rectitudo in activam & passivam dividitur. *Activa* inest actibus dirigentibus, estque capacitas rectè dirigendi actum. *Passiva*, inest actibus directis. Hæc si est naturalis sive physica, est conformitas actus cum objecto. Si est artificialis sive logica, est Conformatas actus cum regulis. *Status questionis* est: An rectitudo activa, an passiva; & an passiva physica, an passiva logica sit objectum formale quod Logicæ?

76. *Dico 1.* Rectitudo activa non est objectum formale Logicæ. *Ratio est 1.* Rectitudo activa est in regulis, & non in ipso objecto materiali; ergo nequit esse objectum formale. *Ratio est 2.* Rectitudo activa sunt ipsæ regulæ rectæ; ergo nequit esse objectum regularum.

77. *Dico 2.* Nec rectitudo passiva naturalis, sive veritas physica est objectum formale. *Ratio est 1.* Logica finem suum obtainere potest in operatione physicè falsa, ut constat ex propositionibus & syllogismis probabilibus; ergo hæc rectitudo non est objectum ejus formale. *Ratio est 2.* Logica illam introducere nequit rectitudinem, quam nullo modo continet; sed nullo modo continet veritatem physicam actuum directorum; ergo. Ad Physicam proinde aut Metaphysicam pertinet, veritatem hanc curare in actibus, qui fiunt circa objectum in eorum materia.

E 3 78. Di-

70 DE PROLEGOMENIS LOGICÆ.

78. *Dico 3.* Rectitudo passiva artificialis si-
ve Logica est objectum Logicæ formale *quod.*
Prob. Objectum formale scientiæ practicæ,
qualis est Logica, est illud, quod habet condi-
tiones quatuor ad objectum talis scientiæ requi-
sitas; sed rectitudo artificialis passiva logica il-
las habet; ergo. *Prob. min.* Conditiones ad
objectum formale requisitæ sunt sequentes: 1.
ut conveniat omni objecto materiali illius scien-
tiæ, cuius est objectum. 2. Ut scientiam hanc
ab omni alia discernat. 3. Ut propter illud at-
tingatur materiale. 4. Ut sit operabile ab illa
scientia, cuius est objectum. Sed hæc omnes
conveniunt rectitudini artificiali passiva logica,
ut Consideranti patebit; ergo. *Confir.* Ideò
operationes mentis attinguntur à Logica, ut
fiant rectæ, & Conformes ejus regulis; ergo
hæc rectitudo est ratio formalis, quæ à Logica
intenditur, sive objectum formale *quod.*

79. *Obj. 1. contra Imam Conclus.* Regulæ Lo-
gicæ illam tantùm rectitudinem inducere pos-
sunt in objectum materiale, quam habent; sed
habent tantùm rectitudinem activam; ergo
hanc tantùm inducere possunt; consequenter
hæc erit objectum formale Logicæ. *R. D. min.*
Habent tantùm rectitudinem activam formaliter
C. hanc tantùm habent effectivè sive causa-
liter N. D. etiam *Conf.* ergo hanc tantùm indu-
cere possunt, si nec formaliter nec causaliter
vel effectivè aliam continerent. C. Cùm autem
aliam scilicet rectitudinem passivam causaliter
saltem contineant. N.

80. *Obj.*

80. *Obj. 2. Contra 2dam Conclus.* Operationes quædam esse logicè rectæ non possunt, nisi simul habeant veritatem physicam, ut sit in definitione, syllogismo demonstrativo; ergo saltem in his operationibus Logica intendet veritatem physicam, ut objectum formale partiale. *R. D. ant.* Et veritas physica in ejusmodi operationibus habet se Concomitanter solum ad finem Logicæ intrinsecum C. & eam Logica ex fine suo intrinseco & directè intendit. N. Nimirùm Logica operationem, quæ habet veritatem physicam, non intendit formaliter, ut habet veritatem physicam, sed ut conformetur præceptis suis; id quod meritò ex aliis Logicæ regulis colligimus, quæ parùm curant materiam, uti regulæ Logicæ Topicæ. Sicut igitur regulæ non curant vitalitatem & spiritualitatem suarum operationum, licet necessariò vitales sint & spirituales; sic etiam non intendunt veritatem physicam, licet illa operationes mentis necessariò comitetur.

Inst. Logica est instrumentum ad alias scientias; ergo sicut aliæ scientiæ intendunt materiam, sic etiam Logica. *R. D. ant.* Est instrumentum ad alias scientias ex fine suo intrinseco. N. extrinseco tantùm. C.

81. *Obj. 3. Contra 3tiam Conclus.* Objectum formale quod debet esse prius scientiâ; quia hæc in objectum formale fertur: sed retitudo passiva non est prior Logicâ; ergo hæc nequit esse objectum ejus formale. *R. D. maj.* Objectum formale debet esse prius scientiâ spe-

72 DE PROLEGOMENIS LOGICÆ.

culativâ C. scientiâ practicâ N. hæc enim facit objectum suum formale tanquam opus, quod in ratione *finis* prius est, non autem in ratione *objecti*.

82. *Inst. 1.* Rectitudo passiva est realiter indistincta ab objecto materiali; ergo nequit in illud introduci. *R. D. Cons.* nequit introduci transitivè & physicè C. intransitivè & metaphysicè N. vide n. 59. Ex hoc *Collige*: Introductionem rectitudinis passivæ *realiter* & *physicè* spectatam, nil aliud esse, quam veram & realem productionem operationis mentis, dependenter tamen à regula Logicæ dirigente. Si verò introductionem illam consideras quoad nos, duplex intervenit conceptus; imò enim concipitur, ut præcisè operatio intellectus est, præscindens à rectitudine *positivè*, ab irrectitudine autem *negativè*: & sic operatio est objectum materiale. 2dò consideratur ut recta est *nominaliter*, viden. 60. & sic est objectum formale. Sic enim accepta operatio significat rectitudinem, quæ nōstro concipiendi modo supervenit operationi primo modo acceptæ, & hanc velut forma determinat ad esse objectum proprium Logicæ.

83. *Inst. 2.* Si introductio physicè non sit aliud, quam realis productio operationis; ergo ea intellectui potius adscribenda est, quam Logicæ; quia operatio recta *effectivè* pender ab intellectu. Consequens non admittitur, ergo nec antecedens. *R. N. Sequel.* vel *D.* Ergo productio operationis, ut præcisè operatio est,

&

& secundum esse physicum spectatur, potius adscribenda est intellectui C. ut est productio operationis rectæ, & secundum esse artificiale N. Intellectus enim quantum est de se, æquè produceret operationem irrectam, quam rectam: quod verò producat rectam, hoc ex Logicæ directione provenit. Igitur rectitudo operationis potius Logicæ tanquam causæ directivæ tribuenda est, quam intellectui.

84. *Inst. 3.* Quod operatio dicatur recta, hoc habet à se, & non à Logica, quandoquidem rectitudo illi est intrinseca; ergo nec operatio recta tribui Logicæ potest. *R. D. ant.* Hoc habet à se, tanquam à causa formalī & intrinseca C. tanquam à causa extrinseca & dirigente N. Etiam anima est intrinseca homini, sed tamen dependenter à Deo creante.

85. *Inst. 4.* Rectitudo est conformitas cum regulis; sed conformitas cum regulis nequit introduci in operationes; ergo. *Prob. min.* Hæc conformitas dicit *in recto* ipsas operationes, *in obliquo* autem regulas; sed nec operationes possunt introduci in se ipsas, nec regulæ in operationes; ergo. *R. D. Maj. probat.* Conformitas adæquata, tum quoad sua extrinseca, tum quoad sua intrinseca, dicit *in recto* operationes, *in obliquo* regulas C. conformitas inadæquata tantum, & quoad suum intrinsecum spectata dicit hæc duo N. & *concessâ min. D. Conf.* Ergo conformitas adæquata nequit introduci in operationes C. inadæquata N. Rectitudo, prout hic accipitur, est conformitas inadæquata; i. e.

74 DE PROLEGOMENIS LOGICÆ.

est illa forma *intrinseca metaphysica & logica*, à qua operatio dicitur *intrinsecè recta*. Taliter autem accepta nec regulas nec operationes signatè dicit, sed ab utrisque præscindit. Rectitudo autem *adæquatè, physicè, & concretim speciata* dicit præter hanc formam *in recto* operationes, *in obliquo* regulas. *Si ait:* Rectitudo ut est talis forma metaphysica non est producibilis; ergo nec introducibilis. *R. D. ant.* non est producibilis physicè effectivè C. artificialiter & directivè *Subdīst.* transitivè C. intransitivè N. vel dic: eam non esse producibilem in suppositione simplici; sed in suppositione personali. *Si postules:* An ergo in operationes rectas vel irrectas introducibilis sit? *R.* est introducibilis in operationes, quæ sunt dependenter à regulis. Vide n. 60.

86. *Infl. 5.* Hæc rectitudo nihil est aliud, quam rectitudo naturalis operationum; ergo non dependet à regulis Logicæ. *R. D. ant.* est naturalis entitativè C. denominativè *Subdīst.* est naturalis, prout naturale opponitur supernaturali C. prout opponitur artificiali N. Rectitudo illa denominativè accepta artem & scientiam directivam respicit, & est artificium. *Si reponas:* Operatio regulis conformis esse potest, quin ab iis dirigatur; ergo nequidem artificialis rectitudo à regulis dependet. *R. N. Conf.* nam rectitudo independens à directione regularum est naturalis tantum, & operatio sic recta non est objectum Logicæ. Requiritur proinde ad rectitudinem artificialem, ut ex speciali regulæ in

in objectum tendentiā ponatur. *Si dicas*, talem rectitudinem naturalem sufficere ad scientiam; ergo artificialis erit superflua. *R. T. ant. N.* *Conf.* Rectitudo enim naturalis ubique haberi non potest, v. g. in materia difficultiori & obscuriori; nec ponit intellectum extra periculum erroris & perturbationis, quod tamen præstat rectitudo artificialis: hinc nondum superflua est. *Dixi Transeat*: quia etsi rectitudo naturalis sufficeret ad scientiam naturalem; ad articiale tamen non sufficit ex ratione hic paulò antè data.

87. *Quæres.* Quodnam objectum formale habeant regulæ negativæ, v. g. hæc: Medium non debet ingredi conclusionem? *R.* Sicut habent duplex objectum materiale, ita etiam duplex habent objectum formale. Primum objectum materiale est *objectum fugæ*, v. g. syllogismus, in quo medium ingreditur conclusionem. Secundum est *objectum prosecutionis*, nempe syllogismus, cuius medium non ingreditur conclusionem. Primum objectum formale est *objectum fugæ*, nempe irrectitudo, sive difformitas cum regulis. Alterum est *objectum prosecutionis*, scilicet rectitudo artificialis passiva. *Si quæras porrò:* Quomodo rectitudo hæc artificialis objectum formale esse possit, cùm illa, ut pote conformitas cum regulis, constituantur partialiter per ipsas regulas; adeoque Logica sic foret objectum sui ipsius? *R.* Nego, quod rectitudo artificialis constituatur per ipsas regulas: non enim est conformitas prædicamentalis, sicut veritas formalis physica; sed est conformitas

76 DE PROLEGOMENIS LOGICÆ.

mitas transcendentalis, quæ tota essentialis est,
& intrinseca actui, regulamque veluti terminum
& principium directivum extrinsecè tantum re-
spicit.

ARTICULUS V.

De Objecto Attributionis.

§. unicus.

An & quale in Logica detur?

88. **N**ota. Tanta est Authorum circa hanc quæ-
stionem dissensio, ut *Compt.* hic *Disp.* 7.
septendecim diversas circa hanc materiam opini-
ones sese vidisse fateatur. Tanta autem opini-
onum hic diversitas oritur ex diversis Objecti
hujus definitionibus. Præcipuae circa hanc quæ-
stionem sententiae sunt fere sequentes. *Prima* &
Communior objectum hoc ita definit: Est ob-
jectum partiale complexum, ad quod reliqua,
quæ in scientia vel arte tractantur, ultimatò re-
feruntur; ipsum verò ad aliud partiale non re-
fertur. Hæc definitio præscindit ab in- & ex-
trinseco objecto attributionis. *Secunda* est, eo-
rum, qui objectum attributionis intrinsecum
admittunt, volūntque, ut reliqua ex fine in-
trinseco vel ipsius scientiæ, vel objectorum at-
tributorum referantur. *Tertia* est eorum, qui
hoc objectum cum objecto principali confun-
dunt; pro qua opinione stare videntur *Hurtad.*
& *Compt.* quorum prior pro objecto attribu-
tionis in Logica assignat demonstrationem;
posterior autem definitionem. *Quarta* est
eorum